

# Oqartussaqaarfinni suliat paasissutissanik eqqunngitsunik ilaqartut isumaqaruit pisinnaatitaafiit ilisimajuk

2016



**DATATILSYNET**

---

**1. Oqartussa qarfinni suliat paasissutissanik eqqunngitsunik ilaqartut isumaqaruit pisinnaatitaafiit ilisimajuk**

**3**

# 1. Oqartussaqaarfinni suliat paasissutissanik eqqunngitsunik ilaqartut isumaqaruit pisinnaatitaafiit ilisimajuk

---

## **Naqqiuteqarnissamut pisinnaatitaaffik**

Oqartussaqaarfinni illit pillutit eqqunngitsunik paasissutissaqarpat inunnik paasissutissanik suliarinnittarneq pillugu inatsit naapertorlugu paasissutissat iluarsitinnissaannut pisinnaatitaaffeqaarputit.

Tamanna aamma naqqiuteqarnissamut pisinnaatitaaffimmik taaneqartarpoq.

## **Oqartussaqaarfik attavigiuk**

Paasissutissat iluarsitinniarlugit oqartussaqaarfik paasissutissanik pigisaqartoq attaveqaarfingissavat.

Oqartussaqaarfiup suliassaq suliarissavaa, qanorlu iliornissaminik illit akissuteqaarfingissallutit.

## **Qanoq saaffiginnissavit?**

Sianerlutit, allakkatigut imaluunniit e-maili aqqutigalugu naqqeeqqusisinnaavutit.

## **Qanoq oqassavit?**

Nassuiaatigissavat paasissutissat sorliit illit isummat malillugu eqqunngitsuunersut.

Kissaateqaarnerit paatsugassaaajunnaarsinniarlugu isumassarsiatialaasinnaavoq oqassallutit, imaluunniit allassallutit paasissutissat naqqinneqarnissaannik kissaateqaarnerit inunnik paasissutissanik suliarinnittarneq pillugu inatsit naapertorlugu tamanna qinnutigigit. Inunnik paasissutissanik suliarinnittarneq pillugu inatsimmi § 37 innersuussutigissavat.

## **Oqartussaqaarfik qanoq naqqiissava?**

Oqartussaqaarfik nalinginnaasumik ilassummik allattaqartarpoq, paasissutissat illit maalaarutigisatit eqqunngitsuusut imaluunniit ilinnit akueriumaneqanngitsut.

Tamatununga pissutaavoq oqartussaqaarfiit nalinginnaasumik paasissutissanik, suliamut ilanngunneqareersimasunik, peersiinnaqqusaanngimmata. Oqartussaqaarfiimmi sulianik suliarinninnerminni suut suliarinerlugit nalunaarsortussaavaat.

Taamaattumik amerlasuutigut pisariaqarsinnaavoq oqartussaqaarfiup allakkiamik nutaamik pilersitsisariaqarnissaa, paasissutissat eqqortut – imaluunniit paasissutissanut illit isiginninnerit - allanneqassallutik.

Oqartussaqaarfiup isumagissavaa naqqiissummut, sapinngisamik paasissutissanut eqqunngitsunut imaluunniit akueriumaneqanngitsunut attuumassutilinnut qaninnerpaanut, innersuussisoqarnissaa.

## **Pisut assigiinngitsut**

Paasissutissat eqqunngitsuunersut taamalu iluarsineqartariaqartuusut paasinarsisissallugu ilaatigut ajornaatsuinnaaneq ajorpoq.

Datatilsynip pisut assigiinngitsut pingasut naammattoorajuttarpai:

### Pisoq 1: Paasissutissat eqqortuunnginnerannik oqartussaqaarfik isumaqataagaangat

Paasissutissat eqqortuunnginnerannik oqartussaqaarfik isumaqataaguni taakku iluarsineqarnissaat isumagissavaa. Assersuutigalugu tassaasinnaapput paasissutissat piviusut, taamalu assortuussutigineqartariaqanngitsut.

Pisuni taama ittuni oqartussaqaarfik naqqiisuteqartarpoq, amerlasuutigut ilassummik allanneqartarluni paasissutissat pineqartut eqqunngitsuusut.

Paasissutissat eqqunngitsut ingerlateqqinneqarsimappata qinnutigisinnaavat paasissutissanik eqqunngitsunik tiguisut aamma naqqiummik nalunaarfigineqassasut.

Paasissutissanik eqqunngitsunik tiguisunut nalunaaruteqarnissamik oqartussaqaarfik taamaallaat itigartisisinnaavoq, taakku nalunaarfigineqarnissaat pisinnaanngippat imaluunniit ajornarluinnarpat.

## **Assersuut**

Kommunemi misissuinermi takuneqarsinnaavoq paasissutissat piviusut kukkunernik ulikkaartut, Ilaatigut emeripit atia kukkullugu allanneqarsimavoq. Tassanilu aamma allaqqavoq emerit pinerluttuliorsimasoq, taamaaliorsimananili.

Kommune misissuinerмик нутаamik suliaqassaaq, aammalu suliami erseqqilluinnartumik allassallugu siulleq kukkusuusoq.

### Pisoq 2: Paasissutissat pillugit isumaqatigiinngissuteqartoqarpat

Oqartussaqaarfiup paasissutissat eqqortuunnginnerannik ilaatigut isumaqitiginngittarsinnaavaatit. Assersuutigalugu ataatsimeeqatigiinnermi imaluunniit angerlarsimaffimmut pulaarnermi nassuiaatigineqartut isumaqatigiinngissutigineqarsinnaapput.

Pisuni taama ittuni oqartussaqaarfiup isumagissavaa paasissutissanut ilassummik ilanngussisoqarnissaa, illit isumaqataannginnerit takuneqarsinnaassalluni.

### Pisoq 3: Naliliinerugaangat

Oqartussaqaarfiit amerlasuutigut apeqqutini assigiinngitsuni naliliinitik allattarpaat. Assersuutigalugu tassaasinnaavoq pissutsit ilinnut tunngasut pillugit nakorsap imaluunniit isumaginninnermi siunnersortip suliamik ilisimasalittut naliliineri.

Aamma pisumi taama ittumi aaqqiisutissaq tassaavoq illit isummavit paasissutissanut ilanngunneqarnissaat, suliami naliliinerit illit isumaqatiginngikkukkit.

## **Assersuut**

Atuarfimmi pisortaq kommunemut allagaqarpoq, illit angerlarsimaffinni atonerluisoqarnersoq aarleqqutigalugu.

Atonerluisoqarneranik isumaqataannginnerit ilanngutitissinnaavat. Kisianni atuarfiup pisortaata nalunaarutiginninnera peersissinnaanngilat.

## **Datatilsynimut maalaaruteqarsinnaavutit**

Paasissutissat naqqinneqarnissaannik qinnuiginninnerit pillugu oqartussaqaarfiup akissutaa naammaginngikkukku Datatilsynimut maalaaruteqarsinnaavutit.

Maluginiassavat Datatilsyni ilisimannittunik killisiuilluni uppersaatissaqaarnerisooq aalajangiisinnaannngimmat. Tassa suliat ilaanni assortuuttoqarpat kina eqqortumik oqalunnersooq Datatilsynip aalajangersinnaaneq ajorpaa.

Taamaattumik oqartussaqaarfik ilassummik suliaqarsimappat, taamalu paasissutissani akueriumannngisanni imaluunniit eqqunngitsuni isummatit erseqqilluinnartumik takuneqarsinnaallutik, Datatilsynip amerlasuutigut naqqiuteqaqqinnissamik ikiorsinnaassanngilaatit.

## **Datatilsynet**

Carl Jacobsens Vej 35.

DK 2500 Valby

Oqarasuaat 33 19 32 00

E-mail [dt@datatilsynet.dk](mailto:dt@datatilsynet.dk)

[www.datatilsynet.dk](http://www.datatilsynet.dk)

Datatilsyni tassaavoq qitiusumik oqartussaqaarfik allanut attuumassuteqaqngitsooq, makkuninnga suliaqartoq

- inummut paasissutissanik nalunaarsuineri, ingerlatitseqqinneri aamma allatigut suliaqarneri siunnersuineq, aamma
- oqartussaqaarfiit, suliffeqaarfiit aamma allat paasissutissanut akisussaasuusut inunnik paasissutissanik suliarinnittarneq pillugu inatsimmik eqqortitsinissaannik nakkutilliisoq.

Atuagaaraq una oqartussat digitalimik suliarinninneranni paasissutissanut tunngavoq. Nalunaarsuiffinnut allanut, aamma paasissutissiisarneri systeminut, allanik atuuttoqarsinnaavoq.

Paasissutissat arlaqarnerusut Datatilsynip nittartagaani nassaarisinnaavatit.

**Oqartussaqaarfinni suliat paasissutissanik eqqunngitsunik ilaqartut isumaqaruit pisinnaatitaafiit ilisimajuk**

© 2016 Datatilsynet

Eftertryk med kildeangivelse er tilladt

Udgivet af:

Datatilsynet

Carl Jacobsens Vej 35

2500 Valby

T 33 19 32 00

[dt@datatilsynet.dk](mailto:dt@datatilsynet.dk)

[datatilsynet.dk](http://datatilsynet.dk)

**Datatilsynet**

Carl Jacobsens Vej 35

2500 Valby

T 33 19 32 00

[dt@datatilsynet.dk](mailto:dt@datatilsynet.dk)

[datatilsynet.dk](http://datatilsynet.dk)